

歸程日記



卷之五

歸程日記

獻縣仙石劉書年著



十一月初三日壬辰晴晨起促裝過唐嫺家處辭行留早餐畢
 已刻發自六廣門內軒轅宮至大關十餘里冠蓋候送者絡繹
 不絕自問兩載黔陽毫無善政奉諱後留辦軍務又一載有餘
 于僚屬士民多有未能徇情干譽之處乃蒙厚誼勲拳如是予
 滋愧焉沿途下輿一勞謝未刻行四十里抵沙子哨貴筑屬候行
 李申正始至天寒晷短因遂留宿夜半風雨大作床帳皆漏溼

清芬集叢刊

初四日癸巳辰刻發大風雪寒威凜然裂膚割面登程次日所
 遇天氣如此十旬遠道其磨折當奚如耶三十里札佐尖修文屬
 權縣令楊南川煥章遣人設供具酉刻復行三十五里宿梨園
 哨修文屬經過洛邦狗場壩一帶兵燹之餘室廬煨燼荒穢之狀
 不堪寓目宿店僅有屋一椽與菊坡姪及僕輩拳跼其中抵暮
 雪止而風不息噤不能出一語村無購炭處煨楫柶一鑪兀坐
 達旦
 初五日甲午晴甚和煖辰刻發三十五里息烽所尖修文屬遇戚

屬王九衢作舟刺史自仁懷縣勸捐回聞予將北歸兼程馳至

省為別幸於旅店中相值依依情話殆難為懷欲遂轅伴送堅

辭之乃止同飯畢揮淚別去申刻復行三十里宿黑神廟修文屬

日入後九衢遣人追送茅苔村酒二器黔中佳品也

初六日乙未刻發三十里養龍司尖貴陽府屬志載地有龍院春

日繫牝馬之貞者於院側須臾雷雨晦冥有龍蜿蜒出與馬交

則產名駒詢之士人阮距大路尚十餘里惜不獲一覽尖畢行

十里過美竹箐遇指分貴州縣丞周鳳鳴鳳鳴送九陸尉曾皆四川

清芬集叢刊

合江人赴省稟到下輿略通數語又十八里渡烏江肩輿行李

皆上船兩崖戍削一俯一仰頗極登頓之勞又二十里宿刀靶

水遵義屬店房極湫隘

初七日丙申煖甚辰刻發十五里過螺螄堰遵義屬權縣令鄧子

魚爾巽司馬遣人設供具溯自甲寅秋遵義軍務初起趙軍門

與炳方伯屯軍此地夜有賊數百來襲倉皇棄營遁還江內土

人指其遺壘言之歷歷尖畢復行三十里宿懶板橈遵義屬時方

未初子魚設供張於此

初八日丁酉陰辰刻發三十里中莊堡尖

遵義屬

方川滇黔三省

官兵進援遵義連營八座於此城中音問隔絕逡巡不敢前韓南溪起觀察時權清江通判督隊至轉戰一晝夜始抵城下諸軍繼進郡城僅獲瓦全今則商旅熙攘市廛蕃庶幾不復知有前日事矣又十五里抵遵義府鄧子魚司馬迓至豐樂橋郡守竇千山奉家前輩與遵義協左右兩營將弁及教佐委員同迓至東門外三官殿下輿稍叙入城方午正以試院為行館千山前輩子魚刺史以次來見一一答拜訖留委員朱惠昌貳尹共

清芬集叢刊

三

晚飯二鼓後子魚復來絮談良久始辭去遵義古播州地明神廟時長垣李○○剿平楊應龍初置郡縣屬川省國朝雍正中始改隸貴州地稱殷富惟尚沿川中舊習人以矯健為能自桐梓楊瀾煽亂後民情浮動視揭竿探丸為故常繼以王安國按戶科斂結團抗官桀黠之徒覩以為利競思踵其故智特勢力不逮耳二兇雖滅然遵義之患伏而未發者所在皆是况近接湄潭甕安號為盜數曲突徙薪之謀豈不在於賢有司哉
初九日戊戌陰雨綿綿終日不止辰刻發同城文武均在五里

庫無雞

外之鳳朝闕候送到彼小坐對面即雷台山遵義被圍時賊巢
其上山殊庫坦似乎無險可據不知當日何以遲久始克三十
里椽子橋尖遵義屬道途泥淖寒氣襲人頗形勞憊又三十里過
雞喉關地勢險峻又八里宿四都站遵義屬入夜雨益劇

初十日己亥冬至天明雨暫止而濕雲蒼鬱濃陰四合蓋凝寒
已固矣辰刻發十五里板橋尖遵義屬自入遵境至是皆子魚遣
人設供具勞費殊甚二十五里過樓山關寒雨濛濛時作時止
方午未之交地勢愈高霧氣愈重既登絕頂一白茫茫咫尺莫

清芬集叢刊

四

辨闕高百餘仞上下梯磴各數百級號稱天險即楊應龍所據
以抗王師者也此與昨所經雞喉關皆有地利可憑當桐梓匪
徒倡亂時遵義文武不知扼要以守妖氛甫迫踉蹌奔潰以致
賊眾直薄郡城其能免劉禪庸奴之譏耶又三十里抵桐梓縣
權縣令陳鈍甫世銛及千總梁安邦訓導劉玉振典史李占鳳
均至南門外相迓入城一一答拜訖鈍甫為借得西門裡向宅
作行館設供張馬桐梓山川瘴疔民情刁悍獄訟煩多為黔省
第一難治之區兵燹以後各團咸懷疑貳其心巨剽彈壓撫綏

之外並須加以羈縻所謂過剛則折過柔則廢者雋不疑之語於是尤切矣是晚飲食不中節三更後悉哇出始獲稍安

十一日庚子曉起猶陰辰刻發鈍甫及同城文武均在三里外之麻柳關候送十五里元田俱尖又十餘里抵楚米堡過二山曰箱子坪曰鴉鵲窩雖不及樓山雞喉兩關之懸峭第山經久未修治梯磴欹仄亂石槎枒又兼雨後泥滑幾無插足處輿夫牽夫之勞憊不減昨過兩關也未刻晴復趨行三十餘里時已上燈勢難更進權宿鍋廠周姓家草屋兩椽先有販餼脚夫十

清芬集叢刊

五

餘人在內予與一僕溷跡其間菊坡姪及行李又遲三刻許始到竟無歇處不得已別宿半里外人家今日問程僅五十里其實可抵驛站八十里

十二日辛丑陰卯刻發循河溝行忽左忽右忽上忽下並無正路約一時許始抵沙坡距昨宿處裁十里欲至此投宿難矣又十里新站尖二十里宿濛渡時方未初鑿於昨日之蹇滯不敢復進過沙坡路稍平

十三日壬寅卯刻發濃陰微雨路滑難行出村即登一峻嶺自

是連山起伏陟降為勞至巳正僅行二十里七陣溪尖予飢疲已極僕輩及輿夫可知矣過此仍循河溝行路稍平申初復行三十里宿松坎是為桐梓巨鎮綦岍鹽船可以牽挽至此市塵鱗比人烟輻輳棧房輪構一新皆經楊鳳之變近始修復者也十四日癸卯卯刻發天濃陰不數里寒雨大至霑衣撲面慘慄不勝過爬抓溪懸崖壁立積黛障天牽夫地行而上溪各為亂石所激吐溜洩瀑雷輶濤怒絕壑松栢挾淒風苦雨之聲與為響答客子聞之輒復腸迴氣盪自此二十餘里步步仰陟勞憊

清芬集叢刊

六

萬狀午刻至酒店坵直入雲霧窟中俯視山川邨舍鬱濛一氣加以罡風力猛高不勝寒其勢難于久留茅店中食粥一盂匆匆徑去十五里過界牌自十一日至此所經皆桐梓縣屬由此遂入四川綦江縣界風雨少息步步皆下坡路雨後滑汰異常時屢蹉跌又十餘里宿觀音橋道途險惡以今日為最問程亦止五十里毋論其險即以短長計其數殆將倍之入夜有月色

十五日甲辰卯刻發大霧迷滂五步以外一無所覩十五里過九盤子自山根仰視廟舍皆在天半循梯磴而上曲徑九盤有

若旋螺往復紆迴極費牽挽之力比至層嶺迴望昨宵宿處不知相去幾千百尺也又十五里太公堡尖午刻霧氣少斂而凍雲滿空滯留不去黃棉襖子靳弗肯出將何以泯行人之怨咨耶又十里過乾水場商賈駢闐廛肆豐富寔為巨鎮行李至是悉上船二十餘里抵蛇皮灘復登陸予仍循西岸行三十餘里申刻宿鎮子場今日路漸乾漸平共行七十餘里夜雨瀟瀟有聲

十六日乙巳卯刻發陰雨路滑意殊澁悶三十五里柑子埡尖

清芬集叢刊

七

又四五里過魚梁河便陟一嶺曰石龍過江雖不甚高峻而層累陂陀迤長不絕輿夫牽夫霑體塗足蒲伏而登酸嘶喘汗直至馬口極仰行十五里路方平坦申刻雨止又三十里宿綦江縣沱灣馬頭自界牌至此皆綦江縣屬今日共行八十餘里入四川境男婦皆以白布蒙首道逢親迎者雖伴婆及執事人等亦皆如是不以為嫌相傳為武鄉侯制服固仍不改豈其然乎十七日丙午晴買三板船二隻順流下重慶府可省陸程三日勞費午刻登舟未刻發三里許小泊綦江縣東門外舟人欲遂

停此促之行二十里泊北渡

秦江縣屬

十八日丁未晴卯刻發舟中六橈一艚一舵放溜而趨場行無
滯雖亦過灘十數而長年三老熟於水性身手俱捷黃緣亂石
中無分寸差失較陸行苦樂頓殊矣兩岸柑橘成林無慮千萬
株間有未經采摘者纍纍倒垂嬌黃欲滴早梅盛開繁花照眼
時有甘蕉修竹與為掩映蔗畦豆隴高下菁蔥不絕令人忘其
為九天氣抵暮行一百八十里泊固武場

江津縣屬

十九日戊申晴寅刻發辰初行四十里至江口遂合大江又十

清芬集叢刊

餘里過銅官驛皆江津縣屬西岸建立營柵排列礮船十數隻
聞賊黨張五麻子已陷永川有下窺渝涪之勢然諦觀設防情
形並稔知川省士卒驕縱之習如有緩急此奚足恃又一百二
十里抵重慶府時甫未初府城西南隅築營壘一座旗幟林立
亦不知何處兵勇也小泊金紫門外復移泊太平門申刻入城
廩新豐街阮聯升棧重慶瀕臨大江因山建城周迴幾廿里為
門十七今開其九商賈輻輳水陸交衝實踞川東形勝設鎮道
駐紮其地江北別建一城屹然相向以同知分駐焉即當無事

之時彈壓撫綏已非易易屬以賊氛密邇閭閻久不知兵家機
舟江岸為奔避計人無固志可知矣亥刻甫就枕龔叔雨自閩
廉訪自大佛寺舟次巴縣屬距城二十里專足馳書至披衣起坐匆匆作
答交來人齋回時已夜半再覓睡鄉遂不可得輾轉竟夕

二十日巳酉陰窮日之力徧拜城內地方官及各寓公僅得見

前任廣西巡撫曹穎生澍鍾中丞川東道王石臣廷植巴縣令

張子敏秉堃兩同年午後子敏來答拜叙談良久因籍隸貴陽

深悉予在官舉措極口揄揚殊過其實聞之祇增慚怩然子敏

清芬集叢刊

九

口碑載道蜀人官于黔者言之最悉比入境詢之父老益徵其
不誣日來羽檄交馳輔車之勢已失辦理城防一切井井有條
勞怨均所不避可謂獨為其難矣視予碌碌者流其才奚啻十
倍

二十一日庚戌曉起陰作書寄謝黔省各僚屬紳士及川省諸
友人並作家書託子敏郵遞共四十餘函手腕幾脫曹中丞王
觀察以次來會拜並謝不見時聞川北路梗決計由水程東下
買得江船一隻徑趨沙市石叵觀察子敏太令各饋酒饗遣人

往各處辭行晚晴

二十二日辛亥嫩晴有雲曉起同城官均來送巳刻賃划船二

隻運送行李至江北朝天門外距太平門十里而近嘉陵江自陝西甯羗

州入四川廣元縣界西南流至重慶城北合于午刻登舟舟人

大江江北一城蓋據嘉陵江言之非謂岷江也營運貨材媒囚駟僮擾擾不休抵暮遂不果發

二十三日壬子陰寅刻發予尚在夢中遲明起視船長八丈餘

三艙僅居參之一其餘隙盡留為夜間支篷地予裝齋不及半

艙詢其載重可十萬斤船頭駕艖二枝各以十人擁之別設二

清芬集叢刊

十

人為之長董其勤窳又前為十六橈並舵師篙師火夫更夫之

屬幾五十人咬哇噶啗之聲喧聒人耳未刻行一百四十里泊

善米沱長壽縣屬

二十四日癸丑陰卯刻發三十里過長壽縣又一百二十里過

涪州又三十里泊新溪場涪州屬

二十五日甲寅卯刻發天猶陰九十里過豐都縣又九十里泊

洋渡溪石碛廳忠州豐都縣三處分轄午刻晴抵暮又陰

二十六日乙卯卯刻發濃陰微雨稍寒襲人殆不可忍連朝煦

燠異常有如吾鄉八九月氣候不虞其一寒至此也巳初行七
十五里抵忠州舟中強半州人各歸省其家宿以待

二十七日丙辰陰遲至午後始有至者比及日晡尚未到齊度
不能發遂買小艇往尋東坡遺蹟地在城東二里許州人士建
祠其上合祀陸白兩公堂宇崇闕花樹蒙密以時修葺而加敬
禮焉兩公去今千載其遺澤宜無復存者而後人俎豆不忘若
是豈非公道之在心者久而愈明哉天寒路滑往返十餘里薄

暮始歸舟

清芬集叢刊

二十八日丁巳陰寒轉劇卯刻發北風肆虐舟行甚艱艣徑尺
有八寸搖折其一申刻行一百八十里泊小泐灘萬縣屬修艣

二十九日戊午雲陰稍薄風寒一如昨日卯刻發三十里過萬
縣又一百二十里過雲陽縣自重慶至忠州雖江面寬窄不一
而波平如席舟行帖妥檣艣不驚忠州以下溜勢稍駛始有灘
名今日過雲陽後連下東浪廟溪二灘激浪回旋奔騰噴薄雲
謫波詭漸成偉觀第無亂石突出縱橫水面悍然作撐拒之勢
耳又六十里泊灘脚半邊街雲陽縣屬時甫未正因逆風甚勞

且連下二險灘舟人例需犒賞遂圖休息焉入夜風益厲驚濤怒卷劈拍有聲船勢駸駸隨濤下上終宵掀簸不定

三十日己未至曉天猶沈陰北風不息寒色凜然枯坐守候至未申之交風力少殺始催發僅行三十里泊三塊石

奉節縣屬

中夜

夢見老母聲音笑貌宛若生前予與季弟芝泉正在承歡忽自驚疑瞿然而覺擁衾暗泣悲咽不勝既不能復寐披衣起坐遂至侵晨

十二月初一日庚申晴卯刻發江行初見日光寒威驟減三十

清芬集叢刊

一二

里過安平鎮

奉節縣屬

人烟稠密舟人有戚屬住此間小泊往視移

時始返又六十里抵夔州府舟中裝載貨物例於此驗單納稅

稽延料所不免舟泊上關之上距城三數里未刻登岸循江干

步行自上關以至下關約二里許雖不及重慶之華靡而河房

生意亦頗繁盛地居要衝寔為全蜀門戶權稅之富登於甲簿

官斯土者羣以膏腴豔之葛耦笙

之鋪

太守起家吾鄉邑令與

予舊相識然無故不以一刺作竿牘也尋八陣圖故處直至城

東南隅荒闕之區人跡罕到惟見臨江碎石縱橫鋪疊絕無行

列可辨二三童子往來譟躍為風鳶之戲賣菜傭弛擔其旁以
江水洗菜就詢陣圖顛末蓋世遠年湮屢被江濤衝激遺跡蕩
然矣白帝城故址高踞山巔形模宛在於時返照入江風浪忽
湧遙望隔岸諸峰高插雲際積雪粲然寒光四射復小作儻個
暝烟蒼蒼城鼓欲動矣踏凍而歸足力頗勦

初二日辛酉陰有風司關者今日始來查驗鹽斤專歸鹽茶道
委員經理餘貨又歸府局更番辜權自己至申始克藏事府局
吏胥仍向予需索既酌與之輒復求益至丹至三無端留滯一

清芬集叢刊

一三

日俗人俗事迭踳不休鬱紆實甚

初三日壬戌晴辰刻發不數里即入峽兩山夾峙闐然千仞之
表日月留其蔽虧天宇踳而偪窄江流方奩容混漭汨汨然來
陡入峽中為其所束勢不得逞濫瀕石盤踞中流適當其衝若
有意遮留使不得東下者於是激而震怒為上衝為旁突為盤
渦洄洑夏秋盛漲所匯奔盪奇猛其險遂不可犯茲則巖枯水
涸魚龍夜偃江面澄澈練如鏡如舟行安穩於轟雷飛電之狀
無覩也石大如象瞿塘之可下固宜三十里至帶溪山勢開拓

過數灘俱不覺其險惡又六十里至巫山縣遂入大峽迴復數
百里駢羅攢簇其形愈峻亦愈狹雙崖近接中間有似不逾尋
丈者江水却平漫並不見有疾流矣詢三峽之名舟人不能舉
其處過青溪口問神女祠亦惜然莫辨見有因巖洞為屋者覆
巨石劣具人形夢雨迷雲之跡其幻化顧由是與又九十里過
培市入湖北巴東縣界又四十里泊官渡口巴東縣屬峽中荒寒特甚村落
闕寥石多礪礫拱把之樹蓋匙雖以今日之喧和而積雪皚皚
未嘗消釋初更後狂飆驟起刁調悽慄聲振岩谷俄頃之間山

清芬集叢刊

一四

崩水立一舸飄颻幾欲為怒濤卷去推篷起視寒星三五出滅
深樹間而後驚魂稍定欹枕不眠布衾如鐵側聞同舟鼾齁之
聲互畜益覺瘳瘳不勝無何荒雞喔喔窗隙有微明透入榜人
語促辦晨炊矣

初四日癸亥天曉風少息卯刻發寒霧冥冥陰森刺骨視昨日
氣候迥殊矣五十里過巴東縣又二十里將至牛口灘朔吹益
喧兀豁四合密霰霏霏小泊以避一炊許復發遂下灘灘長近
一里亂石伏其下湍流剽悍有如萬馬交馳不施羈勒全恃推

盪之力乘流疾趨東坡有夜泊牛口及牛口見月諸詩一入名
賢題詠荒渺之區遂與鴻篇並壽謂非地之幸歟又過八斗灘
其險不能逾牛口未刻沈陰少歛微漏日光而寒重如故又三
十里泊葉灘歸州屬晚晴

初五日甲子晴風勢稍順卯刻發三十里過歸州問女孀之里
明妃之村罕有知者自此山勢漸狹江流亦漸駛又三十里抵
新灘俗訛為清灘舟人以危險告地有頭灘二灘三灘之目估舶經
此預雇羸綱或用脚夫背負將貨物般運過灘後還置舟中防

清芬集叢刊

一五

不測也行店往往藉以居奇專設委員駐此彈壓稽查其煩擾
可知矣未至灘半里已聞疾風暴雨之聲予登北岸步行諦視
三灘約長五六里兩岸市廛鱗次迤長亦如之灘多巨石陂陂
頑巖江流所經為危磯澎激怒氣魚然遂恣意跳盪而莫為之
制當水落石出之會鬢鬢鬱鬱其狀畢呈故江流之怒視盛漲
時為轉甚舟行迅疾有箭筈脫手之勢鷲首陡沒浪花中翹然
獨見其尾比至尾濡而首突出矣低昂升降駭目洞心雖烟霏
霧結雪浪花飛不足為之髣髴萬一也灘盡處懸厓兩石俗號

牛肝馬肺疑即黃牛白馬舊跡偽為俚談三灘並稱惟頭灘為最悍石上鐫乾隆庚寅荆南觀察使西蜀李拔一詩紀鑿石之功然則未鑿以先其為暴又當奚似夔巫管內未嘗有此奇險也嘗考三峽之名說者不一求之士人亦鮮能指定比來身親經歷始知瞿塘峽者夔府以下灩澦堆適初入峽處是也故名峽口巫峽者巫山大峽也黃牛峽者即俗傳牛肝馬肺處也若白馬灘之稱似非新灘不足以當之此亦臆揣之詞容俟檢校圖經徐為訂證既過灘山勢愈狹然不數里即豁然開朗而江

清芬集叢刊

一六

流遂平矣又三十里過屈溪意者由三閭大夫得名與又九十里過黃陵廟勝蹟流傳惜未及入而循覽又二十里泊斗場沱

東湖
縣屬

初六日乙丑晴卯刻發四十里至平山埧

東湖
縣屬

地設有稅釐總

卡客舟至此將貨單呈驗一一登載給以票據到宜昌後契勘相符如例收稅釐畢放行否則以偷漏論罰至重近年來釐金所入幾倍蓰於正稅各直省一律通行軍需供億大半仰給於是甚至有鄉團隨地設卡私自抽收者官亦莫之禁也世變如

此良可慨已未及已初到卡午後查驗畢始得發石尤風忽起
巨浪掀翻大費推移之力申刻行三十里泊宜昌府小北門外
自此以至沙市江平岸潤無危灘激激之艱舟中器具皆須易
置並操舟之法亦與灘行不同其有未諳習者悉遣去別募黃
頭充其列又須小作淹留矣

初七日丙寅溼雲如漬寒雨蕭蕭已刻入城拜劉章侯步駟太
守及權東湖令祝仲申佑兩同年仲申以事下鄉不及見章侯
先命駕枉顧彼此相左入郡署坐待其歸互陳別後情事聽說

清芬集叢刊

一七

畿輔中州息耗憂憤不能釋並諗章侯宦况無異左遷感歎久
之遂留小飲詢至喜堂遺址云在縣署聞有歐公手種紅梨今
已枯矣而株幹尚存惜主人不在未獲親至其下手一摩挲也
薄暮歸舟雨益急入夜漸作雪打篷簌簌有聲

初八日丁卯曉起視篷背積素寸許濃陰黯黯風色淒迷而飛
絮搓繇尚自續紛不絕泊舟處本近市喧囂不可耐茲忽萬籟
無聲並凍雀亦禁不一語惟見寒江遠岫一派空明時有溼帆
三兩出沒烟際使令穰松年輩見之臨為粉本當不知若何蕭

曠倚窗凝眺幾忘衣袂之生稜也近午雪小住章侯復來船叙
別茶話移時始去作家書託其郵遞舟人公私事均未了今日
又不果發

初九日戊辰濃陰極寒卯刻解纜去帆檣林立處不數里大雪
紛飛成團作陣舟人徧體淋漓凍粟生肌急移避曲港中江天
寥濶盪胸决皆纖翳俱無弥覺其疎快須臾浦溆一色晶晶離
離遙望鷗村鷺嶼掩映於寒林叢篠之中簑笠扁舟往來喚渡
脩然不復知有塵世事回憶脚鞢手版羈留絕域時徒具一腔

清芬集叢刊

一八

熱惱今忽置身琉璃世界中領受清寒風味造物貺我不淺矣
雖江空歲晚遠道淹遲亦所不恤也亭午雪止復發波平風定
自在流行舟中司篙楫者汰去十之六耳根頓喜其清淨申初
行五十里泊虎牙灘

宜都縣屬

復遇雪入夜稍休

初十日己巳卯刻發六花又復飄颺忽疎忽密忽急忽徐仍至
近午始息四十里過宜都縣三國時猗亭地蜀漢昭列帝自白
帝城而下連營八百里規取荊州為陸仲子言所破即在此間
又四十五里過枝江縣荊州各屬邑瀕臨大江專恃一隄為捍

衛江流自出峽後驟入曠蕩之區奔騰放軼略無鈐束往往衝
決為患而宜都枝江今歲被害尤酷漂沒田廬滄斃丁口無算
凋瘵情形至是猶不堪極目又行十五里北風益厲遂泊洋溪
枝江縣屬今日寒氣尤重舟中門窗重閉密不通風坐擁裘褐兀兀
漆室中猶覺陵蕪難忍單寒如操舟者又何以堪也

十一日庚午卯刻發快晴無風十五里至羅家河枝江縣屬江分為

三其經流自松滋縣城下東行十年前被沙壅遏時實阻涉今
取道東市洲折而右稍覺紆曲又七十五里過江口松滋縣屬有巨

清芬集叢刊

一九

猾曹泰者家於是結黨數千剽掠江湖有年矣當事者多方購
捕迄未就獲乃設法羈縻之餌以頂戴議自巴東以至漢陽沿
江千餘里悉歸其巡查有失事者責令賠償初使客舟計貨出
資以給其費近已裁撤但于宜昌監釐局月支錢三百千畀之
分遣其眾晝夜梭巡江面賴以無恐昨今俱見有礮船卓其旗
幟往來游徼如果駕馭得宜庶可借收其用然流弊不勝防也
又十五里至牛疊尾復與大江經流合又六十里過太平口由
此路出通湖南諸郡未至數里有缺口百餘丈詢知今夏盛漲

衝決汎濫為災及於南省常澧一帶荊州境內被患所不必言
至是未能修復遲待明年水漲時仍循故道溢出是重受困也

又三十里抵沙市

自牛壘尾至此
皆江陵縣屬

時已燈後

十二日辛未晴須在此換船停泊一日

十三日壬申陰有風買得拖邊划船二隻由便河走沙洋此河
與大江不通須般運過隄已刻上岸穿沙市街北行四五里至
鄂城書院門口登舟即河頭也與菊坡各居一舟沙市在荊州
府城南十五里水陸通衢號稱富庶百貨麇集商賈爭趨之般

清芬集叢刊

二十

隄往來者肩摩踵接不絕於道蓋自軍興以來兵燹所不及故
康阜之風未嘗小減樊城車贏行劉魁茂已遣人迎至此拊擋
至暮未及發

十四日癸酉陰寒卯刻發便河自遠安當陽境內來行溪澗中
三四百里至沙市始通舟楫然河面狹甚平波演漾幾無沿溯
之分其水停蓄汙穢不可飲十五里自草市有稅關二貨物及
船料分局徵收舟人須在此納船料稅少延數刻此間另有小
河西行五里可直抵荊州城下過草市河面漸濶溜亦漸活又

十五里至管家口遂入長湖湖寬不及十里長九十里水深裁三四尺風浪不驚舟人云今年水勢極大已值臘尾猶可抵往年夏秋泛漲時然四邊皆有圻堦且用篙處多用艣處少曾經洞庭彭蠡之奇險觀此如履康莊矣在湖中行四十餘里正當水天相拍處極望冥濛黑雲翻墨東風吹雨將至時已交申急搖泊青龍觜荆門州屬燈後霎霎淒淒數陣即止夜分北風起雷大作

十五日甲戌平明擁被未起覺窗外寒光晃漾銀海生花攬衣

清芬集叢刊

二一

出視洲渚間雪積至尺許遙林窻嶂皆凝茫不可辨湖面膠黏一層欲凍不凍有如古鏡塵昏照人須眉不甚了了泊舟處有人家四五柴柵半開各擁篲自除門徑旁舍古松數株絡索垂垂一夜之間蒼髯變白瞥見鷺羽聯翩自松頂飛下則花片如掌經風吹墮也舟人踟伏不肯出促之起埽除篷背移時始畢稍遲又為積素所封矣仰矚長空同雲一色玉塵萬斛迴飆糝水狂舞不休今日分無渡湖之望至午刻陡轉西南風雪驟止急呼舟人起碇取兩船首尾縛著並帆而趨捷若奔馬不一時

行三十餘里至昭君廟云已過湖而前路猶是淪瀾相接與湖
中無異舟人云此皆昔日腴田也年來水勢瀰漫遂浸入湖中
都為一片矣故雖寬而寔淺又十餘里至陳家場俱荆門州屬始出
湖口自是經行河道較便河尤淺狹水亦緩平又五十餘里泊

新場

潛江縣屬

十六日乙亥卯刻發濃陰返寒兩岸積雪照人清瑩徹骨遙天
黯黯如作粉墨圖模糊竟幅朔風而行意甚苦之甫及十餘里
雨雪雜糅紛然竝下然僅霏凝霰未害舟行復冒寒撐進五

清芬集叢刊

二二

十餘里晡時驚風卷浪波入船窗鵝毛片片蔽雲飛舞食頃一
篷盡白去沙洋裁十五里未能趨至遂泊高橋荆門州屬今日所經
河道頗寬波瀾亦極狀濶舟人云此亦小湖也名曰魚翠首受
上游各山谿之水注於長湖故其盈縮恒互為消息過此直
至沙洋則河流劣通一綫矣二更後風止雪霽凍月湧出
十七日丙子五更時卧聞驚風奮發虛北怒號飛湍哀咽客心
未免淹煎擁衾危坐復假寐片刻夢中恍惚於邸舍見芝泉弟
相持大痛驀然驚覺淚泫泫猶漬襟袖間也遲明催發雲陰復

合巖寒未解風勢尤顛三篙並力相抵猶若不敵已刻始抵沙
洋荆門州屬蓋自沙市至此其可通舟楫者東西不過百數十里由
此至漢江尚有一隄為限仍不免般運之煩

十八日丁丑北風連宵達旦吹人欲倒當之者歎噫並作手足
俱軟七載黔中未嘗有此苦寒也將泝漢至樊城買得襄船二
隻已刻般隄過舟相隔不及半里二舟俱極寬舒仍與菊坡各
占其一舟中床榻几案隱囊唾壺之屬色色皆備筆床茶竈略
作安排饒有浮家泛宅之趣此去樊城五百餘里溯流而上正

清芬集叢刊

二三

當北風司令之際全有待於牽挽程期淹滯固意中事耳入夜
風吼益狂雪又大作枕上聞之意不自聊傍徨至曙

十九日戊寅衝颿卷雪竟日不息霧靄塞空上下一白風水蕩
瀾之聲鯨呿鼉吼聞之使人魄悸隣舟密比如櫛四邊擁蔽展
眺無由船窗閉塞時有寒屑自暗隙吹入著人肌膚如中鋒鏃
自晨至暮僵坐塊然體中覺大不適

二十日己卯雪止而北風益厲凍雲四垂驚濤如沸舟人臨牲
剪紙禱於波官延至午後試行二三里移泊沙洋街外排岸無

憲數千艘並無牽道可循全恃篙力相撐拄三刻許始出船叢地勢間曠心目稍舒然聽水聽風彌覺其聲之悽咽矣

二十一日庚辰晴東南風徐起身人動色相慶揚帆早發無何晨曦煜爍踈鳥躍入舟中如覩奇珎上瑞帆力甚健曳牽者並岸以趨不及其迅午後風漸微仍須牽以佐之然終以溯流之

故不能如江湖中之奔軼也抵暮行一百里泊石牌

鍾祥縣屬

二十二日辛巳天晴風利行一百里泊安陸府下馬頭

距府城十里

二十三日壬午卯刻發沈黔不開初陽斂曜烟水凝互景色淒

清芬集叢刊

二四

然猶是釀雪天氣所幸北風未肆披猖波平如席不礙曳纜徐行耳日將午雪作牽夫霑體眯目鬚鬢皆白勢難前進遂泊二

聖廟

鍾祥縣屬

僅行三十餘里入夜雪止積厚至三寸

二十四日癸未晨興雲陰模糊風色慘澹尚霏雪之瞥至也辰

正始發抵暮行六十里泊泥河口

鍾祥縣屬

村市數十家蕭疎傍岸

炊烟出樹暝色徐添少選細雨如塵風燈影溼隋寒相逼凜若削肌俄聞爆竹聲四起問人始知是祭竈之夕也急景凋年旅懷殊多觸迂耳

廿五

二十五日甲申立春夢中間有聲洶涌崩崖摧屋奔騰而下登時波飛濤立魚龍起舞輪軸將翻心知顛風打頭專與歸人為難矣曉起見溼雲惜懂冒水翳空經颿輪大力推挑糾結不散晡時凍雨數點打篷背聲如撒菽已而疑為急霰曆亂橫斜黃昏後歛作鵝毛片片灑空積素竟夕聯綿所謂陽和使者傳來消息固若是耶伏枕無眠彌增頷顛

二十六日乙酉晨起暗門竟不得開蓋已為層冰所封矣雪旋旋釋陸旋釋旋凍墜為雪釋為水凍即為冰以此雪厚五六寸冰遂

清芬集叢刊

二五

厚至二寸許舟中滑汰幾不能駐足而斜霏密灑尚倚回颿之力作勢不休未免顛狂實甚至於噫竅怒張機緘鼓動未能遽塞歎欲噓喻萬耳皆聾使人彎跽篷底匿弗敢出竟不知銀色界璀璨奚似連檣數十並坐以待修鱗難遮舟人懼歲除之不能釋載也時時作怨咨語然力阻於無如何雖造物亦不泯人之憾也雪虐風饕十二時中未嘗暫息

二十七日丙戌風怒漸解雪亦停飛而陰靄沈沈四圍尚不見霽色舟人掃除凍雪敲斲剝削煞費工夫膠凝已固非箕帚所

能畢功也。船頭展矚見中流冰雪疊為一片，有若銀槽大者十數丈，小亦丈餘。浮浮而下，俗謂之淌凌。薄舟行觸之，立成齏粉。下水船皆停泊不動。溯流者益畏避，無敢犯矣。晡時傍岸雪融，水漲隣舟二十餘隻。沙頭下碇，皆為凌簞衝動，隨流漂下。予與菊坡二舟亦有浮起之勢，急加纜維繫，並拋二碇入水中，始臻穩固。日入時漂去之舟，祇挽上一隻。餘者不知收泊何處。舟人今日延不肯發信，乎持重之道也。

二十八日丁亥清晨，猶陰無風。辰刻發泊，舟經宿四旁，層冰固

清芬集叢刊

二六

結如嵌入夾槽中，驟不得出。斧椎交下，鑿開十餘丈，始能通溜。近岸處腹凍彌堅，避之無從。撼之不動，舟貼邊際，進行操篙者併力以爭進退。冰齧舷板，硃硃有聲。比至中流，其已經解坼者，仍結為大小塊，攔河衝突高者如山，阜長者如簞，筏穹窿如璇室，峭嶺如晶屏，如龍藏之貢玉，牀如鮫官之罽珠，箔如金銀塔，涌如瑠璃燈，明如鼇戴石，如瑤璫鏡，然如牛馬汎汎如鷗鳧。終日應接不暇，舟人巧為回閃，得不觸其威棱。今且若是疇昔，豈容輕犯耶？亭午東風習習，漸漏日光，帆力雖微，較之負纜鼈

廿七日

行差為便利申刻行五十里泊豐樂河

鐘祥縣屬

二十九日戊子卯刻發天陰有風行不利河內冰塊消釋殆盡

間一遇之亦細碎不足道午後晴行四十里泊流水溝

宜城縣屬舟

人入市購節物

三十日己丑曉起大霧瀰漫咫尺莫辨少頃圓曦晃朗霧靄俱消歲除得此快晴亦令人胸襟少豁舟人本欲在此守歲初無行意晡時風色大利旗脚北擲獵獵有聲隣舟有曳帆以去者促之使行已而同泊百餘艘一齊起碇風帆葉葉先後馳逐於

清芬集叢刊

二七

洪濤漾渺之中耳畔但聞洶洶聲響帆勢欹斜船舷旁貼水面快意之餘轉為驚駭約一時許日已夕矣行四十餘里泊茅草

洲

宜城縣屬

上燈後北望祭先畢頒賞於舟人滿河中檣竿林立懸

燈數百瓊照水皆明鳴鈺伐鼓爆竹之聲中夜不絕倚窗枯坐顧影酸辛翹跂鄉園奮飛無翼痛亡親之不逮傷骨肉之分攜墨纒在身星奔尚阻俯仰身世之間不覺凄然泣下繼又念三十年來雖出處途異順逆境殊每逢除夕無不從急遽搶攘中鞭辟而過今者潛踪客路酬對胥捐一切周旋無味之虛文更

無從瀆溷且當世事如棊之會置理亂於不問不聞幾不減桃
源歲月矣竊恐佗年遂值此夜人事逼迫求似此清淨而不可
得轉有回首前塵嗟言不置者作如是觀此中况味亦自不惡
何事戚戚為然究以百感叢生申旦不寐因憶東坡詩云病眼
不眠非守歲鄉音無伴苦思歸三復斯聯感歎靡已

辛酉年正月初一日庚寅朔雞初鳴即聞爆竹轟炮船船相續
比至曙浮雲蔽日黯淡無光而料峭風寒不減冬腊舟中依昨
日設祭惟諸物不備簡略難安遙想子弟輩在家自當虔修祭

清芬集叢刊

二八

祀事以彌游子之缺憾舟人以茶果一筵為餉既受而復反之
有來稱賀者各以吉語慰勞去泊舟處本係荒洲去村落里許
人跡甚稀過午陰愈濃舟人相率登岸但見兩船兒女十餘輩
青紅乍換往來呼躍以攤錢然爆竹為戲祇此便是新年景物
舊讀屬樊榭歲朝詩有無人可詣真間日之句心竊羨之不意
今日竟得如此清暇書此以誌幸也入夜北風勢復張玉浪打
船頭有聲聒聒
初二日辛卯風怒彌甚終日不息積陰沈沈留寒弄暝迄不得

發

初三日壬辰陰凝不散奇寒中人顛風亦未盡休息然較昨日稍殺矣已刻催發抵暮僅行十餘里泊官莊上馬頭宜城縣屬風水俱逆其行艱澀可知

初四日癸巳猶是北風而狂則大減矣卯刻發漸有放晴之意日光時一逗露寒雲久駐溼重難移終有一層蒙翳未盡豁然春回旬日彌覺凄凜不勝此由元冥竊據威權延弗避位扇結屏翳飛父之倫阻撓羲馭太皞有靈何不號召娠訾躔次諸星

清芬集叢刊

二九

官逐而去之顧任其驕蹇若是耶二十里過宜城縣時剛亭午距小河僅二十里諒可挽至詎意河流彎曲天寒水涸沙洲處處墊淤舟行動輒淺滯迂折旋統計程已逾二十里至幹河宜城縣屬曠黑不辨路尚隔小河十數里竟不能到地在河汊內天低野曠四無居人取其可以避風因遂停泊自入漢江以來阻於風阻於雪今復阻於淺六日程期行至二十日寔意料所不及也

初五日甲午卯刻發水天晶森四顧朧朧然如墮烟海中蓋霧

松凍結糝白滿船至辰初猶霏霏若霜霰也終日濃陰早間初
試東風稍借半帆之力午後寒威愈重仍轉西北風又步步皆
成逆勢矣申刻行四十餘里泊白家灣襄陽縣屬二更後甫交睫夢
見老母危坐堂上顏色憔悴若有甚不豫者既憂且懼心急如
焚歛忽驚寤神魂不定萬緒紛如伏枕悲嘶不眠達旦

初六日乙未卯刻發陰逾沈寒逾峭北風之肆虐亦逾於昨朝
似又有欲雪之勢幸河流較直水亦平漫抵暮行五十里泊董
家灣襄陽縣屬雪果大作此去樊城不及三十里明日豈猶有阻滯

清芬集叢刊

三十

耶漏下三鼓朦朧間如已到家匍匐老母棺前大痛不起既覺
枕上淚痕猶溼嗚呼去家日近白晝結想至夢中種種現示憂
疑恐怖畢集於方寸間眼枯腸斷况味自知又將誰語

初七日丙申既曙聞身人掃雪聲一夜所積又將寸許朝來雪
已止而霧方沈四顧茫茫水面一無所覩初陽乍吐尚為霧埃
障翳而霽色隱然矣待至霧氣漸收辰正始發嫩晴半薰東風
催送約一時許行二十餘里抵樊城襄陽縣屬劉魁茂車行遣人迓
至河干為借得中正街西頭行館一所午後般運上岍曦暉益

朗淑氣溫暾家家埽除之雪堆置街前融互相攙踵趾交錯遂
至泥淖不堪插足日欲暮行李始到齊詢悉此間雨雪連綿兩
月以來未見日影河南道上雪深滅頂轍迹不通為四五十年
所未有官商自去腊到此俱屯聚各行店其最久有淹滯四十
餘日者百物因之騰貴居民與行旅交受其困店主入向予稱
賀謂金翅鳥定自貴人袖中携來屈指冬至後第一日逢此快
晴也似此則展軫就道遥遥無期祇增積悶樊城為樊侯受封
地隔岍即襄陽府治南北往來者行抵此間舟車互易寔為水

清芬集叢刊

三一

陸要衝街長十餘里闐闐鱗次閭巷肩摩且近與豫省接壤宵
小最易溷跡設同知一員縣丞一員分駐其間武職則為提標
後軍守備分汛地湖北提督舊駐穀城縣因衙署被燬近亦移
駐此間蓋自昔號稱重鎮而茲當隣氛不靖防維尤未可稍疎
當事文武諸君宜如何措意耶

初八日丁酉曉起霧凇甚重沈陰如晦凝漬不開往拜龔叔雨
廉訪坐談一時許縷述別後中途情事及都城近狀并各省軍
務同深扼腕又云劉鑑泉中丞已於去年十月初間簡任雲貴

總督鄧子久爾恒方伯擢升黔撫至十一月初予啟程時貴州
尚未接奉諭旨驛遞何其遲也廉訪自腊月中旬到此阻雪二
十餘日車贏均已雇妥尚無行期晡時至河干拜新授江蘇藩
司毛寄雲鴻賓方伯今日方從襄陽城內登舟將沿江東下徑
赴祁門大營當於舟中謁見就託其寄呈節帥曾滌生師稟函
燈後始回廡今日寒威尤烈早晚多次出門風刀裂面凜不可
當積凍竟日不釋

初九日戊戌雲氣解駁微漏日光較昨日差煥冰雪漸融未刻

清芬集叢刊

三二

寄雲方伯來答拜并出邸抄見示因知予在黔省辦理團防案
內經劉鑑泉中丞保奏交軍機處記名俟服闋後遇有道員缺
出請旨簡放於去歲十一月十九日得旨允准蓋今午方接此
報昨晚舟中晤談尚不及知也方伯定於明日解纜下武昌薄
暮遣人往送

初十日己亥晴旭騰輝纖雲四卷氣象為之一新檐溜下滴竟
日都作雨聲滿街亂水縱橫如溝渠乍決皆積雪所化也然凍
厚且堅斷非三數日內所能消盡欲問行期其在元宵以後乎

午後叔雨廉訪來答拜

十一日庚子晴雪消較易晨起往叔雨廉訪處道謝早飯後作書寄謝貴州各上官並存問諸僚友共十餘函申刻甫閣筆而摺弁魯鉞和自京回適於今日過此來見即時封交可稱奇巧詢知於去腊十一日出京並帶來京中親友信函得悉去冬大概情形今日雇定太平車一乘轎車七乘而道路未通行期驟難決擇極知轎車偏窄裝載無多第憲大車笨重中途受窘莫為將伯之呼耳

清芬集叢刊

三三

十二日辛丑霽色融怡微風駘盪三日來雪消其半夜間復夢到家見喪

十三日壬寅忽化濃陰冷雨踈踈終日不歇而雪消自若也道路則愈泥濘不堪矣午刻安徽學使邵汴生享豫宮贊來拜接見之下知自徽甯失守後即託寄祁門城中今因疾辭任將由開封赴東昌廡所就醫自十月杪啟程昨日甫抵此因備詢皖南賊勢及曾滌生師大營情狀學使言之綦詳蓋所恃者惟張凱章運蘭觀察鮑忠亭赴總戎兩軍不過萬餘人此外尚有萬

人精銳遠遜餉糈又不能無缺賊衆不啻什倍悉力來拌大費
 撐拒去歲十月二十日羊棧嶺之役黟縣城已被陷賊距大營
 僅二十餘里賴張鮑兩軍血戰轉敗為功城亦旋復當時尤為
 危險云

十四日癸卯晴街上屋上雪已消盡想大路即可開通而探詢
 北來之車尚自絕迹午後答拜邵汴生學使暢談良久并至叔
 雨廉訪處少坐甫回廡廉訪踵至辭弗見

十五日甲辰陰頗寒大有雨意旅館終日寂寥夜間無月無燈

清芬集叢刊

三四

街市冷冷清清地並爆竹之聲亦絕稀少殊不類元宵風景晚餐
 逆旅主人添設酒饌以喉痛廢食萬里歸人兼旬留滯偏逢令
 序觸緒生愁二更後急雨打窗番番入聽淒涼况味惟寒燠相
 與共嘗耳

十六日乙巳陰駱車裝車決於明日首塗問本街屯聚各車相
 率觀望竟無一發輒者予毅然首為之倡想此後亦當聯鑣繼
 起矣申刻往叔雨廉訪汴生學使兩處辭行大風徹夜不息
 十七日丙午濃陰終日風嚴寒不解辰刻叔雨廉訪汴生學使

均來送辭弗見不聽各少坐去遲至午初車夫搨擋畢始發雪雖消釋而泥塗載道輪䟽不于蹇緩所不待言申刻宿葉家店襄陽驛路止三十里因清河水溢須上渡船繞越良久亂流而縣屬濟計程約四十餘里

十八日丁未晴稍回煖卯刻發積凍全消道路益寧午刻行三十里抵呂堰驛襄陽縣屬後車二乘陷入淖中入店後別遣人羸往迂遲之又久始至疲茶之餘不堪復駕遂止宿今日喉舌俱腫寢食兩妨自檢一成方秤藥煎服

清芬集叢刊

三五

十九日戊申終日陰寒辰刻發呂堰驛街口泥深數尺行李車甫出門即陷入擺撥三四刻始得出二十里至于家溝菊坡坐車陷入溝中泥沒羸脣昂首喘息乞哀四蹄不能舉急卸下別以三羸倒曳車出幸人畜俱未傷損又五里過黃泥河村北即河南新野縣界久聞此地之險未至半里菊坡車又躓於堙自于家溝至此土性黏韌步步膠凝幾類方輪不轉其勞憊不堪言狀過此路稍乾又十五里宿新店堡新野縣屬時已申初甫得早餐今日為先慈二週歲忌辰自貴州起身時私計此日或可抵

家否則不過僅隔三五程詎意及今尚在二千里外嗚呼自奉
 諱以來墨經從戎將及二載瞬屆大祥之期猶未得撫棺一痛
 遭際使然進退概不由己泊乎星奔期迫而造物復多方磨折
 阻我歸程誓尤所積上千天譴一至於斯耶傷哉傷哉此生長
 為名教中罪人已矣燈後薄具酒果旅店中泣奠畢銜恤終宵
 無可控訴兼以喉痛增劇反覆無眠和衣倚壁坐待天曙

二十日己酉陰無風不寒辰刻發沿街泥濘不減呂堰驛懼踣
 昨日覆轍由村西繞至邨北約六七里始抵白河渡口疑即涓水也俟

清芬集叢刊

三六

致若穿新店堡街直行不過里許即至渡口 渡船止有一隻劣容二車與羸頭分起
 裝載過渡往返耽延幾一時許至未初僅行三十里抵新野縣
 車夫以前路云遙堅欲留宿勉徇其情今日皆沙路易行亦止
 得半程其淹遲為何如也夜夢到家

二十一日庚戌濃陰卯刻發朔風峭厲寒色陵兢遂成釀雨之
 勢幸泥淖漸乾道路不甚顛險未刻行六十里宿瓦店南陽縣屬申
 正甫得早餐自車行以來日僅一食予頗安之從人雖各零星
 墊買終不免有飢色入店後細雨旋作雜以雪花燈後漸催急

陣夜窗枯坐不能無鬱鬱也

二十二日辛亥卯刻發雨雪俱止寒威少霽陰雲雖未盡解竊料其不復雨矣惟昨宵益以霖霖滿路新泥動輒粘着雙輪轉運不靈叱馭勉行六十里栗河店尖西距南陽府城八里卧龍岡隱隱在望舊時過此曾題一律今亦無復吟興矣店房偏窄寔不能容仍須復進燈後又行三十里宿新店俱南陽縣屬晚晴

二十三日壬子卯刻發晴有雲日光尚薄三十里過博望驛南陽縣屬相傳即諸葛燒屯處驛有丞官廨在焉又三十里趙河尖裕州屬

清芬集叢刊

三七

屬入店循覽仍是來時憩息處爪痕宛在為之憮然又三十六里宿裕州東關今日道路益乾平晡時稍風忽起暮寒惻惻即又吹陰

二十四日癸丑晴較煖卯刻發自裕州東至襄城二百里內土性不改填墳之舊輪軸最易膠粘官道又極低洼凍雪全釋地氣上騰泥漿爛如薄粥深抵羸腹今日初試其難疲憊已不堪言狀未初行四十里獨樓鎮尖裕州屬又十餘里至焦莊適值修橋阻於河溝不得過繞至莊北掣曳泥中同行二十餘車強半

陷入行李車二乘與馬極費推挽之力僅得出又十餘里抵保
 安驛街南葉縣屬予坐車亦被陷同陷者四乘從人及車夫手足
 忙亂獨自步行里許入街覓一宿店時已曠黑並未籠燈衣履
 盡沾溼甫入店即聞主人向述擒匪由東省竄入豫境僧即接
 仗失利賊於考城南渡蘭儀不守頃已竄至通許距大道不遠
 省門戒嚴此去恐不免梗塞聞警之下驚絕悶絕雖未審虛實
 其語斷非無因又不能即時折回明日仍須前行節節確探再
 商進止前途縱不遇賊黃河南岍船隻必全行封禁問渡應不

清芬集叢刊

三八

易易矣天之抗我如不我克沿途磨難多端豈尚不足以蔽辜
 耶雇人掀車出到店時已戌初今日驛程共六十里而紆回旋
 繞足有七八十里之遙保安亦設有驛丞兼管巡檢事其署銜
 為裕葉分司

二十五日甲寅晴卯刻發大路不可行雇人導引於迤東岡嶺
 上往復繞越稍避行潦之苦有時下至道溝中即不免於泥陷
 行幾五十里始抵舊縣葉縣屬驛路則止三十里也時方未初滿
 擬趨至葉縣乃後車二乘顛踣半里外待至申正始雇人曳出

人畜交疲勢難復進因遂止宿徧詢賊氛遠近傳聞異辭亦無
確耗舊縣古昆陽地即漢光武帝大破王尋王邑處今為巨鎮
編戶三四千家自前年南陽境內為賊所擾府縣官勸諭居民
修築土堡藉資捍衛去春興工周迴約三里餘為門者四女牆
樓櫓一一備具十畢其八九尚欠一二分工程未克告竣遂爾
停輟則閭閻集貲之難也

二十六日乙卯陰無風卯刻發仍於大路東旋繞絕少泥濘差
快人意出東門二里許渡一河深不及尺濶十餘丈東南流極

清芬集叢刊

三九

清駛擬即渚水也三十里過葉縣未至二三里外見男婦什伯
為羣牽車牛擔箱籠踉蹌塞路而來蓋皆四鄉居民聞有警信
奔避入城者詢以賊在何處亦不能言也不得不放瞻前進又
二十里抵汝墳橋葉縣屬南岍有碑題曰子路問津處車羸俱上
渡船至北岍尖畢復發已近申初又趨行四十里宿襄城縣南
關未至十里外即上燈覆車數次比入店已戌初矣察看襄城
民情却極安堵探問賊蹤皆答以不知是奇怪也擬於明晨向
縣署一詢作書留寄龔叔雨廉訪雞鳴方就枕睡不及一時天

已曙

二十七日丙辰濃陰嚴寒辰初雪花飛舞適聞門人陸星農增殿撰由京察簡任廣西慶遠府路經此地為權縣事錢晶卿祥增鴻同年邀留現任縣署當遣菊坡押行李車先往穎橋相候命駕入署訪陸錢二君星農先出見八年久濶他鄉邂逅感與喜俱各縷述別後情事粵西之行何異鳳池被奪不特地方糜爛城池屢經殘破戰守兩難而長路迢迢家累至重資斧告匱竟有不能達之勢又前阻于雪後迫于賊進退維谷計無復之

清芬集叢刊

四十

雖承晶卿暫時留住斷非長策予亦愛莫能助代為扼腕而已見晶卿具言開歲八日僧邸在濟甯與捻匪接仗獲勝其另股繞出大軍之後直犯高唐州遂闖入豫境考城縣意欲南渡窺伺蘭儀時河水凍合當其半濟冰忽坼裂溺死者數百人賊始回竄目前近省安謐如恆傳聞賊至通許或係另股恐不甚確然尉氏一帶已皆紛紛逃避矣至東省曹州東昌等處尚未盡肅清渡河後若取道衛輝北上諒可無虞其言似尚可信談一時許將及午初始辭出雪雖未成而朔風撲面慄若嚴冬車中

11

偏體敲鍊幾不能忍天反時為災其斯之謂歟未正行四十五里抵潁橋襄城縣屬菊坡等午前已到有鑒於昨日宵行之苦不敢再進遂留宿潁橋似不及舊縣之富庶亦築有土堡規模略同長濶殆欲過之聞係附近村落公捐修建者蓋遵照堅壁清野條規內小村併入大村之法近日因有警信四鄉邇來者已自不少由此觀之信良法也予在貴州曾經仿照辦理貴陽貴筑所屬皆親往督工着有成效未知後來官民能寔力奉行否今日感受風寒兼以夜來不寐疲乏之至身熱惡寒頗有病意晚

清芬集叢刊

四一

晴

二十八日丁巳曉起陰寒特甚固是天時無準亦因小病使然卯刻發出北門涉潁水東北行自過襄城沙路無泥雪亦較小視前雨程勞逸頓殊午刻晴行五十里至許州環城四五里壯丁各持器械扶老携幼填塞道途牛車以千數裝載衣物婦女或乘或步奔號不絕車行竟不得前而州城外方挑挖壕塹役夫數千指似乎賊氛即在咫尺間急呼路人問之究亦不能指寔至北關入店即遣人往州署探訊據稱並無確信傳言賊之

前隊已至通許連發探馬未見回報似乎尚在百餘里外云同行二十餘乘議論不一有欲折回潁橋者有欲避入州城者予以為既無確信則妖氛尚遠似可旋探旋進俟到前途探確或走汴梁或走新鄭再作區處斷無折回之理守候亦非計也於是留者什之七八願偕行者三數乘而已尖畢催發道逢北來之車急向詢問云捻匪大隊數千實抵通許其遊騎數十距尉氏城不過十餘里渠等今晨自尉氏起身有般入城者有般出城者紛紛擾擾官已無從究詰矣勉行三十五里至小呂保州

清芬集叢刊

四二

屬村中婦孺早已攜其牲畜家具避去每家只留男丁一二人居守外戶鍵閉各店俱不肯留宿許以重值強而後可並云昨晚聞傳賊至二十里外空村逃避今午始稍稍還集若早間到此猶寂無一人也日入時許州探馬還經門首所言與北來之車相符如欲赴汴取道東北行難免不適與賊遇不若改道西北徑趨新鄭大路則西南北三面皆在賊前斷不致有他虞車夫不欲走西大道意尚猶豫予力持前說眾以為然計遂決二十九日戊午晴卯刻發西北行二十五里過長葛縣城門不

開旗幟礮位刀矛各件布滿城頭團丁執械列伍以待四鄉逃
來男婦數千屯聚城下百般哀求俱不得入為之傷心慘目又
二十里至白家坡長葛縣屬合西大道村落中始見有婦孺然亦甚
稀又二十五里至新鄭縣時已未初城門晝閉逃難之人概不
放入四門外填咽擁擠與長葛同東關尖畢復發西正又行四
十里宿郭店驛新鄭縣屬今日天氣和暖沙路平穩易行且為避賊
氛車驅甚疾體亦稍健唯喉舌所患尚未霍然

二月初一日己未甫交寅初忽驚傳三十里外張莊火起闔村

清芬集叢刊

四三

譁然曰擒匪至矣同行湖北杜卓峰傑魁學正來商云距此半
里有土砦一座可許以重賂令其啟砦門放入暫避予謂黑夜
之間萬不可輕動事之虛實全未可定安知非本地匪徒造謠
恐嚇使我蒼黃出走乘機劫掠且候至天明再議先遣店主人
引健僕往砦外高岡瞭望已而回報四野悄然毫無動靜眾心
稍定坐待至曙乃發晴光和煦淑氣溫暾草木俱有向榮之意
唯行經村落間人跡稀疏蓋先已移入砦中矣自過新鄭後官
道在夾溝內土性堅實兩崖壁立高逾尋丈有若削成往來之

車相值竟無從兩避去殺函漸近故土風略同矣五十里至鄭
 州人心尤為驚惶時已午初城門不啟西關飯店家家扃戶強
 排闥入小憩遣人至州署探聽回稱適接府札知捻匪大股現
 在通許行蹤靡定長探僅能至尉氏不敢前進與昨日所聞無
 異未初復發三十里至岡李村榮澤縣屬同行之車並宿於此獨叱
 馭前行八里經趨滎澤口渡河分兩船裝載申正開行放至下
 流五六里外復挽上半里許始達北岍已見星矣籠燈疾行二
 十五里亥刻宿王路營滎澤縣屬

清芬集叢刊

初二日庚申輕陰無風辰正始發二十五里亢村驛尖護嘉縣屬又

六十里宿新鄉縣望見蘇門山大河以北村民安居樂業室家
 相保農事漸興力作之徒集於原野宛然恬熙景象視河南驚
 擾情形如登衽席矣是日見柳條漸作青色燈下作家書擬於
 明日到衛輝遣僕人兼程先歸馳報

初三日辛酉濃陰竟日大風霾奇寒不可忍卯刻發五十里衛
 輝府西北關尖遣僕人齎書先行車夫整理輪輿什件並購買
 麩料將由此分路東北行從臨清往合德州大道此途較僻不

得不寬為儲侍也。耽延久之，已正入店，未初復發，風益狂暴，車中至不能張目。抵暮，復勉行六十里，宿新鎮。潯縣屬燈後風止，猶陰夜夢到家，見喪並見家弟及妻子，諸人大痛而覺，遍體不適。初四日壬戌，晴東南風甚和，煖卯刻發三十里過道口鎮。潯縣屬街長五六里，居民數千家，市廛豐裕，土壤膏腴，寔為河北富庶之區。向設巡司一員，分駐彈壓。嘉慶十八年之變，改為縣丞當教匪戕官舉事時，首踞此鎮，以抗官軍。旋經勦洗，無遺盡成焦土。五十年前遺事故老猶能言之。今則熙攘成象，有大河為之

清芬集叢刊

四五

限烽火無驚，蓋培養久已復元矣。又三十里二郎廟尖。潯縣屬午

後風漸大，揚沙眯目，東西幾不可辨。北方春來天氣往往如是。

又四十里宿井店。直隸開州屬

初五日癸亥，晴有風，卯刻發四十五里內黃縣尖。舊城傾頽殆盡，新築子城，庫陋殊甚，即壅浮沙為之初，無堅寔意。午後風益

大，又六十里宿固村。直隸南樂縣屬今日經行道路積沙深厚，雖不似

泥濘之膠粘而拖曳頗形喫重，探詢宿處距大名府城僅數十

里，蕉雪姪肇域方司鐸郡庠擬於明晨迂道往視。

初六日甲子晴無風卯刻發東北行二十五里至岔河背渡河
 即漳衛合流處復西北行十五里抵大名府城先遣菊坡姪至
 學署通知行至南門外蕉雪已携其子彦鈞出迎相見之下悲
 喜交集同入學署詢知彦鈞已入泮授室並得子矣姪婦姪孫
 婦姪孫女均出拜一一問訊訖前數日適有人自獻縣來具悉
 家中均各平安學院于正月廿日按試河間目前約略試畢矣
 城中道府俱於元夕同赴黃河崖巡防須臾探報劉篠白太守
 即刻入城蕉雪出接差篠白係丁酉選拔同年本舊相識入城

清芬集叢刊

四六

後聞予至先勞枉顧以其甫歸喘息未定不肯延入辭以出門
 同城大名令劉彦三傑元城令潘星槎榮漢及教佐各官均來
 拜署元城教諭侯敬溪本臨南皮人向有戚誼坐談良久始去
 午後回拜同城各官大順廣道聯星鶴捷觀察庚子同年也太
 夫人迎養在署親往起居畢並詢觀察行轅消息知歸期尚遙
 篠白同年約晚飯辭之與蕉雪父子絮談家事雞鳴始就枕借
 閱邸抄知貴州鄧子久中丞調任陝西何杰夫冠英觀察賞給
 二品頂戴署理貴州巡撫

初七日乙丑晴蕉雪堅請留住一日並擬于明日令彥鈞隨同歸家不得不曲從之午間復往府署尋篠白同年細詢都門省門近事及直隸團練情形並河防各事宜始知僧邱在曹州兩次失利屬實捻匪分股東西竄擾其西竄一股即現在通許者東股竄至山東壽張縣之張秋鎮東昌郡城已為閉門拒守計然不思防河而先自坐困是諺之北渡也似非上策至東明一帶愈形喫緊百姓困於水復困於賊生理殆盡聞正月間尚能裏創追賊殺傷相當忠義之氣洵堪嘉尚矣譚近一時始辭出

清芬集叢刊

四七

晡時篠白復來答拜辭之不可譚至暮乃去燈後大風忽起雲陰四合頃臾雨作霎霎三數陣中宵始歇

初八日丙寅快晴無風無雲夜雨初過纖塵不起四野俱含潤意辰刻發蕉雪送至東門外三里許彥鈞遂同行四十里黃金

隄尖

元城縣屬

又五十里宿徐邨

山東館陶縣屬

初九日丁卯晴大風竟日頗有寒色卯刻發五十里簡莊尖

臨清

屬州又五十里宿臨清州對岸之塔灣地濱衛河州城即在東岸迤南三四里自甲寅年經賊竄踞城中室廬焚燬殆盡幾無居

人州官借寓試院日用所需皆渡河向舊城購買鬼魅晝現日未入行人悉屏跡非祥徵也舊城在河西塔灣南去二里許僅餘土垣殘缺過半居民數百戶較今州城轉為完聚云

初十日戊辰春分晨起濃陰無風稍寒徹骨慄若不勝卯刻發三十五里至油坊鎮直隸清河縣屬近臨衛河有縣丞分駐于此小住

易錢途遇貴州糧儲道韓南溪觀察令嗣偕其門人任君同赴黔忽忽立談數語略述大概遂別去又十五里豆腐驛尖山東夏津

屬縣午後晴又二十五里過武城縣西關縣城在河東又二十里清芬集叢刊

宿李家店武城縣屬

十一日己巳晴暝無風卯刻發三十里鄭家口尖直隸故城縣屬街長

四五里瀕臨衛河西岍往年糧艘北上時市肆極為繁富今則

漸就蕭條矣管河縣丞駐此又設遊擊一員專司巡緝午後漸有熱意又七十里宿劉智廟山東德州屬出村即直隸景州界合東

大道時方申正

十二日庚午晴卯刻發聞前途有騎馬健兒九人昨夜投宿北劉智廟五鼓起不知所之頗有戒心雇鄉勇二十人護送四十

里過景州地勢洼下積雪消融東西繞越不免紆行之苦又三十里漫河尖阜城縣屬熱甚入村處積水環注泥淖極深蓋初七夜此間已得雨一犁矣又二十里過阜城縣又四十里抵富莊驛交河縣屬將入南閣子僕人黃升飛馬來迓姪子肇培肇坪姪孫志沂宗濂宗源均迓至街外入店後詢知河間科試甫竣兒子肇均已得選拔初十日送學使者起馬即回任邱十一日赴護持寺今日趨行至此甫到北關外尚未稅駕街泥深三四尺車不能即至遲至燈後均兒先騎馬來店遣車由村外繞行相見之

清芬集叢刊

下悲喜交集略詢家事予倦斲不支亟思就枕未及晚餐十三日辛未晴卯刻予與均兒乘家中車先發已正行四十餘里河城尖獻縣屬又五十里抵辛莊距家僅二里許芝泉弟携兒子肇竣及諸姪孫輩迓於道左相持大慟宛然高橋舟次夢中情境也觀者為之動容未刻到家

